

#ZENICASUMMERFEST#

Dubioza Kolektiv

03.08.2018.

Kamberovića polje, Zenica



KODEKS I USLOVI PONAŠANJA

Zenica Summer Fest, kulturno-zabavna manifestacija koja ima za cilj da tokom ljetnih julsko-avgustovskih dana animira, zabavi, oraspoloži i raspleše sve Zeničanke, Zeničane, kao i drage goste - posjetioce iz drugih gradova Bosne i Hercegovine, regiona i dijaspore, ovih dana će završiti spektakularnim koncertom najpopularnijeg benda ovog regiona DUBIOZE KOLEKTIV.

Obzirom da je ovaj koncert u organizacionom smislu najkompleksniji, zbog očekivane gužve i velikog broja posjetilaca, tehnički realizator RTV ZENICA se posebno pripremila, pa tim povodom obavještava i moli sve potencijalne posjetioce koncerta da zbog ugodnosti, sigurnosti i zadovoljstva svih posjetilaca, pročitaju i upoznaju se sa uslovima ulaska u koncertni prostor Kamberovića polja.

Organizacioni odbor, tehnički realizator, oficijelna zaštitarska agencija i redarska služba imaju pravo zabraniti ulazak u koncertni prostor Kamberovića polja licima koje se ne pridržavaju uslova ulaza i ponašanja na javnim skupovima.

Ulazak u koncertni prostor Kamberovića polja neće biti dozvoljen licu/licima koja svojim ponašanjem ili stanjem ukazuju da mogu prouzrokovati bilo koji oblik nasilja.

Kontrolu i pregled lica vrši redarska služba i oficijelna zaštitarka agencija, uz korištenje tehničkih pomagala. Pravo ulaska u koncertni prostor Kamberovića polja biće oduzeto licu/licima koja odbiju kontrolu ili pregled redarske službe ili oficijelne zaštitarske agencije. Na ogradi oko koncertnog prostora Kamberovića polja ne mogu se kačiti transparenti koji bi ometali rad službenih lica.

Zaštitarska agencija ima pravo provjeriti i pretražiti sve torbe/ruksake, kao i ostale lične/osobne stvari posjetilaca, u svrhu sigurnosti.

Sljedeće stvari ne smiju biti unešene u prostor Kamberovića polja:

- *Vatreno ili bilo koje drugo oružje*
- *Predmeti bilo koje vrste, koji bi se mogli koristiti za ubod, udarac ili drugi oblik povređivanja*
- *Pirotehnička sredstva (vatromet, dimni prah, dimne ili druge pirotehničke bombe)*
- *Ilegalne supstance*
- *Alkoholna pića*
- *Laseri*
- *Rasistički, ekstremistički, politički ili drugi materijal koji pravda i/ili poziva na nasilje*
- *Zastave ili transparenti veći od 1 metra. Manje zastave i transparenti dozvoljeni su, pod uslovom da su izrađeni od materijala koji se smatra nezapaljivim, u skladu sa nacionalnim propisima i standardima*
- *Nezgrapni predmeti (veći od 25cm x 25cm x 25cm), kao što su: stolovi, stolice, kutije, velike torbe, ruksaci, sportske torbe i koferi*
- *Profesionalna audio/video oprema*
- *Muzički instrumenti*

- *Rollerblades/skates*
- *Markeri*
- *Kišobrani*
- *Bicikli*
- *Sve vrste životinja, osim psa vodiča*
- *Boce/konzerve*
- *Hrana i piće*
- *Neodobreni promotivni materijali*
- *Drugi navedeni predmeti/stvari koje mogu ozlijediti ili stvarati neugodnosti ostalim posjetiocima koncerta*

Tehnički realizator i/ili Zaštitarska agencija imaju pravo pratiti kretanje posjetilaca Kamberovića polja putem sigurnosnih kamera.

Posjetioци koji donose lične stvari u koncertni prostor Kamberovića polja čine to na vlastitu odgovornost.

Posjetioци koji se ne ponašaju u skladu sa Uslovima ulaza, odnosno Zakonu o javnom redu i miru, bit će udaljeni od strane oficijelne zaštitarske agencije.

Posjetioци dolaze na koncertni prostor Kamberovića polja na vlastitu odgovornost.

Do mjere dopuštene zakonom, svi posjetioци se neopozivo odriču prava na tužbu Organizatora ukoliko je došlo do gubitaka, troškova, oštećenja ličnih stvari posjetilaca, te ukoliko je došlo do ličnih ozljeda na koncertnom prostoru Kamberovića polja.

Zvaničan početak koncerta je u 20 sati i 30 minuta, ali su se Organizatori potrudili da, zbog očekivanih gužvi, otvore ulaze za sve posjetioce od 18:00 sati, kada već počinje prigodan program. Od 18:00 sati posjetioce će zagrijavati DJ FEĐA KNAJDL & DJ ADY RESACOVICH. Predgrupa Dubioze je sarajevski bend HELEM NEJSE.

Na koncertnom prostoru Kamberovića polja Organizator je obezbijedio toalete (wc-e) na više lokacija, kao i šankove sa ugostiteljskom ponudom.

Na kraju, podsjećamo sve posjetioce koji uđu u koncertni prostor Kamberovića polja da moraju poštovati pravila i postupati po uputstvima organizatora, oficijelne zaštitarske agencije, redarske službe, policije, vatrogasaca, službe medicinske pomoći i oficijelnog spikera na koncertnom prostoru Kamberovića polja. Svakom posjetioци, koji se ne bude pridržavao izdatih uputstava, bit će uskraćeno pravo boravka na koncertnom prostoru Kamberovića polja i preduzet će se druge zakonom predviđene mjere.

Unutar koncertnog prostora Kamberovića polja zabranjeno je:

- *prodavati robu, distribuirati štampani materijal, izlagati zbirke, vršiti druge promotivne ili komercijalne aktivnosti;*
- *uspinjanje ili sjedenje na ogradi oko sektora stage-a (bine);*
- *ulaženje u sektor stage-a (bine), osim u slučaju evakuacije;*
- *bacanje predmeta ili tečnosti;*
- *paljenje vatre, ispaljivanje vatrometa, petardi, dimnih prahova, dimnih bombi ili drugih pirotehničkih sredstava;*
- *vrijeđanje, isticanje ili širenje političke, rasističke propagande, slogana i grbova;*
- *ograničiti ili ometati područja namijenjena za prolaz i izlaz u slučaj nužde;*
- *pisati, bojiti ili nešto staviti na strukturalne elemente, instalacije ili puteve;*
- *vršiti nuždu, osim u sanitarnim prostorima;*
- *stajati na mjestu za sjedenje;*
- *bacati smeće van korpi;*

- *vršiti opstrukciju redarske službe, oficijelne zaštitarske agencije, policije, vatrogasaca i medicinske službe;*
- *vršiti zastrašivanje, prinudu, vrijeđanje ili provokaciju drugih ljudi – posjetilaca na koncertnom prostoru Kamberovića polja;*
- *ulazak u restriktivna područja (funkcijske prostorije, backstage, VIP prostor i medijska područja, itd.), koja su zatvorena za javnost ili za pristup neovlaštenim licima;*
- *vršenje opstrukcije redarske službe, oficijelne zaštitarske agencije, policije, vatrogasaca i službe hitne medicinske pomoći;*
- *konzumiranje alkohola i drugih supstanci koje mogu utjecati na ponašanje;*
- *odnošenje, oštećenje i neovlašteno korištenje sadržaja na koncertnom prostoru Kamberovića polja;*
- *nošenje maski koje sprečavaju identifikaciju lica.*

Molimo i pozivamo sve one koji su planirali provesti petak, 03.08.2018. na koncertnom prostoru Kamberovića polja, da na ovu lokaciju dođu što ranije, kako bismo izbjegli gužve i nervozu.

Dobro nam došli!

ORGANIZACIONI ODBOR
#ZENICASUMMERFEST#